

Ipoh bandar pertama di Wilayah Utara miliki capaian akses 5G



Aida Aziz

29/06/2022 | 10:45 MYT



Majlis perasmian Ipoh Integrated Operation Centre & 5G berlangsung di Pusat Tranformasi Bandar Perak, Ipoh, 28 Jun 2022. Foto MBI

IPOH: Ipoh menjadi bandar pertama di Wilayah Utara yang mempunyai capaian akses 5G berkelajuan 1 gigabit per saat (Gbps) hasil usaha pasukan 5G Greater Ipoh.

Pengerusi Jawatankuasa Belia, Sukan dan Multimedia negeri, Khairul Shahril Mohamed berkata, pencapaian itu merupakan hasil usaha pasukan berkenaan yang diketuai Datuk Bandar Ipoh, Datuk Rumaizi Baharin.

Selain itu, turut berperanan, Perbadanan Kemajuan Negeri Perak (PKNP), Suruhanjaya Komunikasi dan Multimedia Malaysia (SKMM) Perak dan Telekom Malaysia (TM).

"Sehingga akhir Oktober ini sebanyak 98 lagi tapak rangkaian 5G akan dipancarkan di Wilayah Greater Ipoh.

"Ia merangkumi Majlis Perbandaran Kuala Kangsar, Majlis Perbandaran Kampar dan Majlis Daerah Batu Gajah, dijangkakan capaian rangkaian internet pantas 5G ini akan meliputi seluruh Perak," katanya.

Beliau berkata demikian kepada pemberita ketika berucap merasmikan Ipoh Integrated Operation Centre (IIOC) & 5G di Pusat Tranformasi Bandar (UTC) Perak, di sini pada Selasa.

Hadir sama, Rumaizi dan Naib Presiden Jualan mewakili TM One, Mohamed Faisal Naina Mohamed.

Khairul Shahril berkata, MBI dan TM telah menggerakkan kerjasama dan menggembeng tenaga bagi melaksanakan salah satu projek yang terkandung di dalam Blueprint Ipoh Smart City iaitu Ipoh Integrated Operation Centre (IIOC).

Ujarnya, khidmat nasihat dan kerjasama ini bermula sejak awal pelancaran Pelan Tindakan Bandar Pintar itu pada Mac tahun lalu.

"Projek Command Centre ini merupakan nadi kepada Pelan Tindakan Bandar Pintar Ipoh.

"Ia bakal menjadi sebuah pusat kawalan pintar yang mempunyai keupayaan memproses Big Data dengan menggunakan perisian Artificial Intelligence (AI), Internet of Thing (IoT).

"Sekali gus akan melicinkan urusan tadbir pembandaran MBI kepada urusan tadbir yang bercirikan teknologi tinggi, sensor dan peranti," katanya.

Katanya, sebuah pusat kawalan yang canggih tanpa capaian internet yang baik merupakan satu kekurangan.

Bagaimanapun, jelasnya, MBI dan TM melalui Digital Nasional Berhad terlebih dahulu telah bekerjasama bagi mengatasi masalah tersebut.



(https://vodas.my/kajinsehidikdan-to-landing)
Astro VODAS myKajinsehidikdan
dapatkan baucar tunai TNG.

Apakah jantina anda?



Lelaki



Perempuan

Masuk | Daftar
(https://vodus.my/?login)



Points: 0

(https://vodus.my/sync/redirect-to-landing)
(https://vodus.my/sync/redirect-to-landing)

Topic Berkaitan

- #5G Greater Ipoh
- #Rumaizi Baharin
- #Ipoh Integrated Operation Centre
- #Pelan Tindakan Bandar Pintar


Must-Watch Video




Rumah Ronald McDonald beri khidmat sokongan keluarga pesakit







AWANI



Ads in 3

Cara lain mengikuti berita kami



[LAMAN HIBURAN LAIN](#) [POLISI PRIVASI](#) [TERMA PENGGUNAAN](#) [IKLAN BERSAMA KAMI](#)
[PELABUR](#)

© 2025 Astro AWANI Network Sdn. Bhd. 200001032668(535275-D) All Rights Reserved.